



Al vierç gnovis e interessantis prospetivis di investigazion la campagne di sgjâfs sot aghe a pene concludude de Universitàt di Udin intal flum Stele, dentri dal Progjet "Anaxum. Archeolo-

I tesauris scuindûts dal Stele

I sgjâfs sot aghe a fasin saltâ fûr i rescj dal puint antîc de vie Anie: un puint di gjenar monumentâl.

gjie e storie di un paisaç fluviâl": i risultâts a son stâts ilustrâts a Palaçûl. I students dal Ateneu furlan e de asociade Texas A&M University, coordinâts di Massimo Capulli, a àn puartât indevant pe prime volte une investigazion archeologjiche sot aghe dai rescj dal puint antîc de vie Anie intal bocon di flum dulà che l'as viari principâl dal Friûl roman al cjatave il Anaxum, il Stele dai Romans secont Plini, che al costituive invezit il co-

legament cu la lagune e duncje il mâr. Lis investigacions a àn puartât a fa vegni fûr e a documentâ no mancûl di trê structuris pertinentis al puint che al nasseeve sul puest e che, su la base de cualitât dai rescj rilevâts, al veve di jessi di gjenar monumentâl. Il sgjâf di une altre strutture interessante, individuade inte zenzie orientâl dal flum e che e jere sepulide ad implen, al somee riferibil invezit a un puart fluviâl o al mancûl a une banchine. E je sta-

de fate cun di plui une prospezion su dute la aree e a son stadis sgjavadis e netadis lis parts plui evidents, costituidis di structuris impuartantis in blocs litics e modons, e ancje elements di len lavorâts, riferibii par ce che si pues pensâ ae fondazion des pilis dal puint.

"La leture e la analisi de bondance di dàts racuelts - al à evidenziât Massimo Capulli, coordinadôr dal progjet e docent di Archeologjie sot aghe al Ateneu furlan - al è dome

al principi e o scugnîn in dut câs calculâju parziâl, viodude la estension e la complessità de aree. Il Progjet Anaxum, inte sò declinazion di cjamp scuele di archeologjie sot aghe, simpri che lu permetedin lis risorsis economicjis simpri cussî dificoltozîs a cjatâsi, al larà indevant cu lis ricercjis in cheste aree puartadore di informazions interessantis e prometentis dal sigûr ancje intal 2013".